



Exposiziun da recuors in connex culla planisaziun locala

Applichand l'art. 48 al. 4 da la ledscha chantunela davart la planisaziun dal territori (LPTGR) ho lö l'exposiziun da recuors in connex culla revisiun parziela da la planisaziun locala da la vschinauncha da La Punt Chamues-ch chi'd es gnida decisa als 29 avrigl 2024 da la radunanza cumünela.

Fatschenda:

revisiun parziela Truochs / La Resgia (InnHub) II

Actas d'exposiziun:

- plaun generel da furmazium. 1:1'000, Truochs / La Resgia (InnHub) II
- plaun generel d'avertüra, 1:1'000, Truochs / La Resgia (InnHub) II
- art. 27 da la ledscha da fabrica (zona d'abiter e zona industriela Truochs / La Resgia)

Basa:

- rapport da planisaziun e cooperaziun, revisiun parziela Truochs / La Resgia (InnHub) II

Temp d'exposiziun:

dals 6 gün 2024 als 6 lügl 2024

Lö/uras d'exposiziun:

chanzlia cumünela düraunt las uras d'avertüra

Recuors da planisaziun:

Persunas chi haun ün egen interess degn da protecziun da contester la planisaziun u chi sun legitimadas da fer que tenor ledscha federela, paun inoltrer in scrit lur recuors da planisaziun cunter la planisaziun locala, e que infra il temp d'exposiziun a la Regenza.

Organisaziuns per la protecziun da l'ambient:

Organisaziuns per la protecziun da l'ambient exerciteschan lur dret da recuors confuorm a l'art. 104 al. 2 LPTGR. Que vuol dir ch'ellas annunzchan lur partecipaziun a la procedura infra il temp da recuors tar l'Uffizi chantunel pel svilup dal territori (UST) ed inoltreschan alura eventuelmaing lur pusiziun.

LA SUPRASTANZA CUMÜNELA DA LA PUNT CHAMUES-CH

Il president cumünel Peter Tomaschett ed

il chanzlist cumünel Urs Niederegger

La Punt Chamues-ch, ils 6 gün 2024